

فہمے حب اُمیے

الطبعة الأولى

١٤٤٤هـ - ٢٠٢٣م

اسم الكتاب:	في حب أمي
اسم المؤلف:	مايسة عبد الفتاح
التدقيق اللغوي:	محمود البكري
تصميم الغلاف:	وحيد محمد
الإخراج الداخلي:	خالد محمود
رقم الإيداع:	٢٠٢٢ / ١٦٦٥٣
الترقيم الدولي:	٩٧٨-٩٧٧-٨٦٢٣٣-٥-٢



ش - حسن خطاب - قسم يوسف بيك - الزقازيق - الشرقية



01020439639



massar.pub1@gmail.com



مسار
للنشر والتوزيع
Massar Publishing & Distribution

جميع الحقوق محفوظة، ولا يسمح بإعادة إصدار هذا الكتاب، أو أي جزء منه، ورقياً أو إلكترونياً، سواء بشكل كامل أو جزئي أو عرضه مجاناً عبر أي وسيلة وبأي شكل من الأشكال من دون الحصول على تصريح خطي من دار مسار للنشر.

فیه حب اُمیہ

مایسۃ عبد الفتاح



هَدَايَا

أهدي هذا العمل إلى الحبيبة الغالية أمي رحمها الله ..
إلى روحها الطيبة فهي أجمل من رأت عيني ..
وإلى كل أم أحتضنت ابناءها وكانت لهم الأمان والسند ..
أيضاً إلى أختي الكبرى فهي أمي الثانية حفظها الله وجبر خاطرها
جبراً يتعجب منه أهل الأرض وأهل السماء ..
وإلى تلك الجميلة ذات الملامح الهادئة والإبتسامة الصافية التي
ينشرح بها قلبي .. هي أختي الوسطى حفظها الله .. من أمسكت
بيدي في حياتي العملية من الكتاب إلى المدرسة إلى الكلية .
أهديكم هذا العمل لأنكم حياتي وسكني .. حفظكم الله وحفظ
الله وجود أمي بقلبي ..
وإلى قدوتي دائماً الحبيب المصطفى محمد صل الله عليه وسلم .

مقدمة

يحمل هذا العمل مجموعة قصائد شعرية باللغة العامية أتحدث فيها إلى أُمِّي وعن أُمِّي ما يحمل رسالة ومنها سرد لمواقف حياتية ومنها وصف لبعض الصفات التي تحلت بها أُمِّي وجميعهم يشتركون في أنهم في حب أُمِّي.

لا يوجد ما يوصف مدى طيب قلبها ورجاعة عقلها وعزة نفسها، ولكن وجدت شيئاً لامس قلبي في أثناء كتابتي وهو إحساسي بوجودها ومشاركتها معي كل أحلامي وكأن وجودها ظل أمامي. تحدثت أيضاً عن اليقين

اليقين بالله والحب الخالص لوجه الله

وإحساسي بعون الله ومدده ورحمته على قلبي وأن اليقين بالله حياة وأن اللقاء في الجنة إن شاء الله.

شكراً يا إلهي على منك العظيم وعطاياك

شكراً يا إلهي على جودك وكرمك

شكراً يا إلهي وهبتني أُمِّي فكانت لي فرحة الحياة

شكرًا يا إلهي وهبني صبرًا ورضا أسكن ألم قلبي وألم فراق أمي.

وأخيرًا وليس بآخرًا

كل كلمة في هذا العمل كتبت بمشاعر صادقة من القلب

مشاعر ممتزجة بين الاشتياق والرضا والصبر

مشاعر عصفورة اشتاقت لجناح أمها.

عليكي رحمة الله

أُمی الحبیبة

جایة أقولك أني اشتقتلك اشتياق عجيب غريب
 مالوش وصف ولا تفسير، بس هحاول أكتب شوية
 عن اللي في قلبي من شوق وحنين، مشتاقة للمسمة إيديكي وكفي في
 كفك وكتفي قصاصد كتفك،
 فين! القلب الحنين راح.
 فين! الصوت اللي نادى: بنتي، حبييتي،
 عصفورتي، ونن عيوني وقلبي.
 فين! دلح الحب والحنية وقادرة بكلمة واحدة تدفي قلبي وتطبطبي
 عليا،
 كان همسك ليه تفسير وكلامك كله جميل، كفاية عليا أقعد بس
 قدامك وأركز في تقاطيع وشك وأقول الله
 ما أهو الجمال جمال القلب اللي باين على وشك وخلي الهلال بقى
 بدر.
 هتكلم عن جمال ايه تاني

نظرة عيونك مثلاً الي تملي سحراني، وألا الضحكة الي مرسومة
وتدي للأمل صورة، طيب عارفين حتى زعلها كان مختلف عن
الباقيين، دة القلب الي بفضل ربنا حن ودفى وحب
وإذا لفيت ما لاقى زي قلبك تاني
طب والى فيه؟ وأتعب نفسي!
وأنا عشانة في كرم ربي
يجعل لي لقاكي من تاني في الجنة إن شاء الله.

أمي الحبيبة

أتذكر حديثك في كل مرة،
وقلبي ينادي أين تلك الأيام
أين أمي، وعيناي يدمعان ويلتفتان للبحث عنكي، وأهمس
بشفتاي: ماما، ماما
وأدرك أن وجودك ظل في قلبي
وأن مكانتك لم تعد في الدنيا،
ويظل القلب ينادي أأأمي.
أمي الحبيبة الطيبة نداء قلبي لكي دائما يا فرحة عمري وأيامي.
اشتاق
اشتاق
لحديث كان، كان وما زال بفضل الرحمن يبعث لقلبي إشارات
فرحة وونسة
لقلب اشتاق

وقلب ارتوى باللقاءااااا

لقاءي بيكي في قلبي

ولقاءي بيكي في جنة ربي.

هقول كثير وكثير وعشمتي في ربي كبير إنك تكوني سمعاني وكل
كلمة بقولها تكون وصلالك بإحساسي حتى يحين اللقاء بيكي من
تاني.

أمي الحبيبة

بتأمل كدة وسرحت دقيقة، وجات على بالي حاجة غريبة، أزاي
بنقول لما الإنسان ناوي يرحل مقالش ليه؟؟

من حبنا فيهم بنقول "مقالوش قبلها"

ليه هو كان عارف أو حاسس؟؟؟

الله أعلم

ربي الواحد هو اللي عالم.

أهو عندك أمي لما رحلت كان قبلها بيوم واتنين ترفع أيديها للسماء
وتقول "يااااارب نفسي أفرح بيهم، وياجوني أحفادي حوليا
ويقولوا: ياتيتي هاتيلنا حاجة حلوة شوية".

حتى الأسامي كانت بتدندنها

مرة تقول يوسف، ومرة تقول عبد الرحمن،

فإزاي بنقول مقالوش قبلها!

مرات بقا كانت بتوصينا ودموع في عيونها كأنها كانت بتواسينا

ويعدي شهر والثاني لدرجة أن إحنا نسينا، وجي رحيلها وكان
مترتب،

دة العمر لا فيه زيادة ولا تأخير،

لقائي بيكي في الدنيا كان مترتب،

ورحيلك عنها وغيابك كان مترتب،

وما بين ترتيب وترتيب إتلاقينا بالحبيب،

حتى نسينا الرحيل.

فإزاي بنقول مقالوش قبلها!؟

وربي الواحد هو اللي عالم بيها.

أمی الحبیبة

وحشتيني وإنتي ماسكة أيدي وبتقوليلي:
بالراحة شوية، أمشي معايا وقصادي طالعة قدام ليه!
تحب تاخذني معاها في كل مكان وأن كان عليها متسبينش ولا لحظة
كران

وإن طولت عني شوية
أزعل وأقول: كل دة وأنا مستنية،
متغيش عني كثير

دة الوقت في بعدك ثقيل وطويل،
وأنا بطبعي شبيهة أُمي

ويا رب أكون بشبها في كل صفاتها الحلوة،
وطيبة قلبها ومشاعر الإنسانية،

ياااريت يرجع بينا الوقت تاني
وأنا أوطى وأبوس رجلك من تاني.

الي معاه أم معاه جنة
وأقولها وأكرر قولها
الي معاه أم معاه جنة

أُمِّي الْحَبِيبَةُ

أغلب يومي ذكريات، أن وقفت أقول أمي، وأن قعدت أقول أمي،
وأن خرجت أو دخلت بفضل ربي أقول أمي، وجودها هنا وهناك
في كل مكان.

حتى في رحيلك ليكي وجود يا أمي،
كل صفة من صفاتك وصفها يملئ سطور،

كل كلمة وضحكة ليكي

ليها شرح يطول

وأختار أيه وأقول أي؟

يوصف لحظة وحدة في حياتي عشتها وياكي يا أمي،

الأم غالية، الأم تاج على الرأس،

الأم الجذر الطيب،

الأم منبع حنية وبئر حنان،

الجنة تحت أقدامها وبرها مذكور في القرآن.

أمي الحبيبة

يقيني بالله

وعدي شهور على فراقك، والاقبكي مش جنبي

وعيون تملأ بالدموع،

سبحان ربنا بيصبرنا ويقوينا ويعرفنا أن بكرة مش لينا

بكرة ملك رب العالمين.

سبحان الله بكتبك عشان أقولك فينك مش جنبي،

لقيت نفسي بكتبك "اللقاء في جنة ربي"

ومسحت دموعي من تاني وهقولك بس أنك وحشاني،

وبعد ما كان الحزن على غيابك هو الموضوع،

غلب اليقين بالله جوايا وأصبح اللقاء بيكي من تاني هو المراد

والمكتوب.

أمی الحبیبة "الذکری"

وحشانی کثیر، وحشانی بجد کثیر وکثیر،
وحشنی الحضن الی کان قدامی سنین و سنین،
ومجاش علی بالی أن فی یوم هیفارق ویغیب،
وحشنی العمر الی عدی معاکي فی یوم وائنین،
وحشنتی الحنیة، الی كانت مالیه قلبی أمان ودلال،
نفسی أقعد معاکي قعدة زی زمان،
یا ریت ترجعی حتی یومین،
ویا ریت الذکری بتتعاش
إن کان علیا نفسی أعیشها من تانی لکن الحقیقة
إنها ذکری وأن کررتها من دلوقتی لبکرة برودو ذکری
ولا یمکن ترجع تتعاش.
دلیني یا أمی أنا فعلاً مشتاقه

ونفسي في حضنك زي زمان
بس الشوق دة ليه دواء فعال هو الصبر
فيا رب ارويْنَا صبرًا وما تحوجناش.

أمي الحبيبة "الضحكة"

نتكلم بقى عن ضحكتها،
والصوت الصادر منها
كان لحن جمييل،،
يلامس القلب ونن العين،
أما عن ابتسامتها،
فكفاية أقول ""بفتح باب الخير والرزق الكثير""
أيوة دة رضاها غنيمة وصى بيه رب العالمين
ولا يوم عرفت ترعل مني، ميغركش الكلمتين الي بيتقالوا---
دول حبة دلع وراهم الحب على أصوله،
والخوف عليا من رمش العين.
ضحكتها بتمحي أي زعل وهموم
بتنسي الواحد أيه كان ناوي يقول-

صوتها لو حده كان بيظمن،
ما بالك بقا بالضحكة اللي وراها النور،
وزي كدة كنت اتربع جنبها على الأرض
وكانت الضحكة تطلع من القلب.
ضحكتها اللي أترسمت على الخدين زي اللي بيروي قيراط أرض
واتنين،
هيا كانت تروينا فرح وخير ما لهم حد،
يا ريت الضحكة كانت دامت زي ما كانت نواره البيت...

أمی الحبیبة " جبر الخاطر "

ومین یجبرک زی أمک!
القلیل عندها کثیر،
اللی عادی مفیش منه اتین،
إن نجحت تقول الله،
وأن فرحت تقول الله،
وأن یوم جبت طقم بسیط،
تقول فی جماله ما شوفت اتین،،
ومین یجبرک زی أمک!
الناس کلها بتشوف بطریقة،
وعیون الأم بتشوف الحلو،
خدت بالک من لهفتها لما تشوفک جی علیها،
جبر الخاطر:::

في دراسة وشغل وجواز في حياة وتفاصيل بتتعاش-----
دايماً ردها بيكون جاهز:::
دة ابني حبيبي، دة نن العين،
إذلفوا الدنيا
ما يلاقوا في جمال طبعه،
وطيبة قلبه اتنين.
ومين يجبرك زي أمك!
وأنت صغير تجري عليها
وأنت كبير تجري عليها
السر في حضانها ""رباني"" لا ليه وصفة ولا طريقة
ومين يجبرك زي أمك!.

أمي الحبيبة

وضحكاية وكلماية
وصوت أمي جوايا،
وهمسة أسمى بصوتها،
جوا قلبي وفي ذهني،
وحشتيني يا فرحة عمري
حبي ليكي في قلبي،
وعمري كله ما يكفي،
وصف الحنين اللي في قلبي،
ونفسي في صوتك يا أمي
والله جمال صوتك وحشني،
وكل ساعة بتعدي، ما بشتاق إلا لقعدتك جنبي،
في ساعة فجر تدعيلي، ووقت الصبح تدعيلي،
وتفضل تدعي لا تكل، ولا تمل،

ولا الصوت الي ينعكس حين قلبها لينا يقل،
وكلمة أم دي نعمة كبيرة،
لأنها مش مجرد حرف والثاني،
لا---- دة معنى كبير يحسه القلب وتلمع له العين.

أُمِّي الْحَبِيبَةُ

العيد ليه فرحتين،

الأولى منها التكبيرات وصوت الصلوات،

والثانية منها: صوتها وهيا بتصلي، وتدعي ربنا وتدعي: يرزقنا
الفرحة ويهيننا، ما أنتي فرحتك بينا هي سر سعادتك

الأم يعني: كل كلمة حلوة وحضن دافئ ووش بشوش وقلب
أبيض، يدعي الدعوة لينا في كل وقت وحين، واحنا ومطمنين نقول
أمين لأنها دعوة أم وحضنها بعد تكبيرات العيد،

وتدعي ليا في حضنها الدافئ،

وكفها بكفي، وصوتها الهادئ،

وانا من جمال صوتها اقولها: ها وايه تاني

ويفضل الحضن ودعوات أمي قدام عيني وفي قلبي، وطول عمري
وأن أرا د ربي ورزقني وراضي قلبي وكرمني عمري ما الأقي زي
حضنك،

إلا في منامي،،، وصورة حضنك قدامي.

أمي الحبيبة "الرضا"

طول عمرك كنتي راضية
وفرحانة باللي مقسو ملك
وحامدة وشاكرة فضل الله
ولا يوم بصيتي على فلانة،
ولا قولتي الي عندها يملئ خزانة،
بالعكس
كنتي دايماً بتقولي -
يصلح حالنا وحال عباده، كل رزق بيجي لصحابه،
الغنا مالي القلب والخطوة عزيزة وعندها عزة نفس،
ولما تيحي تحلم لبكرة
كانت تحلم بالكثير
لأن عشمها بربي كبير،

كانت دايماً منصورة، مجبورة،
 هقولكم كلمة معروفة: الي بيرضا بيتراضى،
 وأنا أُمِّي كانت راضية،.
 الثقة بالله كانت بالنسبة لها حياة
 لا تضايق غيرها ولا تضايق،
 كلامها خفيف على القلب ورايق،
 تسمعه مرة ومليون نفس النبرة مابتتغيرش،
 وعنوان قلبها الرضا وطيب النفس،
 تقول الحق وما تهاب ولا تخاف ولا كلامها يعرف الرجف،
 دايماً هادي ورايق وخفيف على القلب.

أمي الحبيبة "الحب"

أول صورة تيجي في بالي
لما أقول كلمة حب-
حُضن الأم،،
ومين هيجبك زي الأم،،،،
اه معاكم أن في مشاعر دافية، في مودة، وطيبة، وفي شريك العمر،
بس الأم-
حبها شريان يسري فيه الدم،
حبها حاصل لكل حب وجد على الأرض،
إن شوفت خير جواك،
فانت ارتويت من حبها،
فالفضل ليها بعد فضل ربنا
الحب- بيخلق الطيبة، وأصالة وجدعنة وطمأنينة،

ما تقولش الحب دة كلام حبيبة،

الحب

إن عاش جواك، هيني سور متحاط بأمان الرحمن

هيني تمني الخير لكل الناس،

وأول صورة تيجي في بالي

لما أقول كلمة حب

حضر الأم.

حبها لله في الله

بشوف أن الحب الصادق، يكون لله من غير مصلحة ولا مقابل،

والا زحمة على الفاضي في طريق مليون،

فيا بخت الي في حياته أم حبها لله في الله.

أمي الحبيبة

وقبل العيد بيومين "عيد الأضحى"،
تقولي: طبقي الهدوم،
قومي ساعدي معاهم هو كل يومين عيد،
وتكون فرحانة، وأيديها قلبينا في الترتيب،
ماهي هيا دي الأم،
تقولي: بكرة بأمره صايمين،
وأقولها يا أمي إدعيلنا كثير، بكرة أجمل يوم بكرة وقفة العيد،
تقولي:::
متعودة أصومه كل عيد،
وأدعيلكم فيه كثير،
والسنة الجاية أفرح ببيكم، ويكون العيد عيدين،
وأقعد أحكي أنا وهي،
وكلمة ورا كلمة،

وكدة لنص الليل،.

ودلوقتي بقول "" بكرة يهونه ربي ويصبرني على فراق أمي، بكرة
وقفه العيد"-.

من يوم ما مشيتي يا أمي وبقيتي عند خالقنا ربي
وأنا شادة حيلي، وماسكة نفسي،
وسبحانه مصبرني،

وبهون على اللي جنبي،

النهاردة سامحيني

محتاجة حضنك جنبي ما أنا العصفورة الي لسه صغونة،
محتاجة لمسة إيديكي تمسحلي دموعي وتطبطبي عليا،
وحشيشيني يا أمي يا فرحة عيدي وعمري.

أمي الحبيبة

الشوق

بعدك وغيابك تاعبني،
وأكثر حاجة تعباني
صوتك الي غاب عني،
بس بيتردد في قلبي،
وحكاويكي الي بتونسني،
مشتاقة ليها يا أمي،
وتقولي أنتي العصفورة الي هتفضل صغنونة،
فينك بس يا أمي
تسمعيني جمال اسمي
وتقولي بكرة هنتعد قعدة حلوة ونحكي في كل حاجة حلوة،
وأنا أبص في وشها الي جماله رباني،
وأقولها: إنتي فاكدة نفسك حلوة،

وَأَنَا فِي قَلْبِي بِقَوْل:
دِي جَمَاهَا مَالِه حَدُود
وَأَتَارِينِي بِحُبِّ أَنَاغَشْهَا،
وَأَسْمَعُ اسْمِي بِصَوْتِهَا.
وَكُلُّ مَا لَوْ قَدْ يَعْدِي - الشُّوقُ يَبْزِيدُ
وَحَشْتَنِي الطَّلَةُ فِي وَشْكَ
وَكُلِّ مَلَامَحْكَ
وَكَلَامِكَ
وَوُخْطَوَاتِكَ
وَوَحْرَكَاتِكَ
وَحَشْنِي قَلْبِكَ الْحَنُونُ.

أمي الحبيبة "الدلع"

حتى دلعها ليا كان غير عادي،
من قال إن الدلع
كوباية شاي عايزة شيلها،
ولا لبس جديد مش عجيني وعايزة غيره،
مين قال إن الدلع
أكلة حلوة بس عايزة الأكل منها،
الدلع:::: يعني الحنية،
طبطة ربانية،
حب وتقدير،
خوف وتضحية،
الدلع::::
مودة، وعشرة تدوم

تكون عطشان كسلان تقوم،
تلاقي أيد ممدودة بترويك،
تلاقي شخص يشاركك حلم وفكرة وفرحة وخطوة،
تلاقي الشخص الي بيعرفك من عيونك؛
كدة شكله مضايق،
وكدة شكله فرحان، وكدة سرحان، وكدة سيبوه شوية وهيروق،
الدلع:
يعني الحنية وإيد بتطبطب علطول،
اعتمادك على انسان بعد اعتمادك عل رب الكون.

أمي الحبيبة

يا رب أملأ قلبي أمان،
قلب يخاف من الرحمن،
تارك الانشغال بالناس،
واهتمامهم وأرزاقهم
ومركز بس بطاعة الرحمن.
حبي لربي ملأ قلبي بالإيمان،
سعيي في كفة
لكن القلب مصدق
أن التوفيق من عند الرحمن،
إن أراد لي الخير جاني الخير على عتاب الباب،
بعد عن قلبي شيء في خيالي كان متهيالي أمان،
لما أراد جاني الخير أضعاف ما انتظرت زمان،
حب الخير للغير خلي القلب مرتاح،

لما الرزق يكون ليك، عمر الرزق ما يجيد،
 لا بيد صغير ولا يد كبير،
 الأيدي العليا أرادت
 يبقا ما فيش دخل للإنسان،
 خليك عشان قلبك فرحان
 كدة كدة
 رزقك متشال متصان،
 بتبص وتحسب
 وماله
 احسبها
 لكن دة كله حسابات إنسان،
 رب الكون لما يريد تلاقي الرزق جيك بيزيد.
 خلي القلب عارف ربه
 ادعي ربك يجعل قلبك عامر بحبه،
 دة اللي انشغل بالعباد
 فات عمره من غير إنذار،

اللي انشغل بطاعة الرحمن
عاش مرتاح البال،
خد بالأسباب واسعي بخطوة
كد ما يقدرك الرحمن،
وتأكد أن التدبير على رب العباد،
عارفة أن مقصرة قوي
ودايماً أقول وأدعي ربي
ساعدي وقربني إليك وفي قربك أمان،
وما تدنيش كد تعبني، سعيي بسيط،
اديني يا ربي قدر جودك العظيم
وكرم الله ملوش مثيل،
اديني أعطيني يا رب الخير الخير أضعاف أضعاف،
واجعل قلبي
بحبك مشغول مرتاح البال،
يا رب اكرمني
رضاك

ونقاء القلب وراحة البال،
يا رب أكرمني أزور بيتك
وأيدي تلمس قبر حبيبك،
أزور الكعبة
وأشرب من زمزم لحد ما الشبع،
وأفرش مصلايتي في ساحة بيتك،
وأقرأ قرآن،
وقلبي فرحان،
شاكر فضل الرحمن،
وكرمه ومنه وإحسانه،
يا رب توعدي وكل مشتاق.

(فِي حُبِّ اللَّهِ)

الحب شعور خلقه المولى وألف بين قلوبين
شعور بيظمن ويفرح
وبيتشارك بين اثنين
ما بالك إن كان حبك لله
تحس بقربه ورضاه
تشوف قدامك كرمه وعطاياه
تكون مطمئن إن المولى حاسس بيك
عارف قلبك وجاعل كل شعور فيه
العبد بيذنب ويتوب والرب غفور خالق الكون
مدبر رزق المخلوق
إن حسيت أنك بتحب الله وتتمنى لقاه
والشوق وخشوع مالي القلب
يبقا اظمن وارتاح

لأنك مشغول برضا الله
والرحمن رحيم
على قلبك أكثر من نفسك عارف أي
جواك وأنت ضعيف
مش عارف حتى أي محتاج
مرات بتتمسك بحاجات
مكنتش ليك وأبعدها عنك رب العالمين
وأناك الخير أضعاف منها وأكثر بكثير
درة رب الكون مدبر رزق المخلوق
حبك لله حياة
طيب وأمان للقلب
مطمئن بوجوده معاك
والخوف منه وحده نجاه
لما تحس بحب إنسان
بتفرح وتقول سبحان الله
ما بالك اللي يبحبك دة ربي

الحي القيوم
دّة الدمة تنزل علطول
بمجرد احساسك برضا رب الكون،
تعيش عمرك تتمنى القرب منه
وأنت ضعيف وبتقوى بقربه ورضاه
هو الخالق ناصر عبده ورازق خلقه
فيا رب حبك ورضاك

الله يرحمك يا أمي

حييت انسان بقر به ووده أنت فرحان
يا بخت الي رزقه قلب طيب و عليك حنين في كل الأوقات
بيحب الفرحة تكون وياك
من نن عيونك يفهم اي جواك
في ناس قربها بيحب الفرحة وراحة البال
وناس بعدها بيكون اريحلك من ودهم الي أي كلام
الحب بيان أكثر وأكثر بالعشرة ومواقف الجدعان
القرب جميل لكن العبرة في البنادمين
مش كل القرب بيكون فرحة واهتمام
مرات بيكون علشان يعرف رزقك جيلك من فين
ويقول دة رزقه أكثر مني
ابن الايه الحظ معاه
والرزق علطول وياه

بالذمة دة قربه هیفیدنی بایه
وهو شاغل باله ناوی حتی أكل أي
فی ناس قربها بیكون خیر
وناس بعدها هو الخیر
یا رب أبعد عني اذاهم
واجعل فی طریقنا الصالحین
الناس أجناس مختلفة وأشكال وألوان
وقلوب البشر یعلمها رب العباد
یا رب أبعد عنا اذاهم
ووجودهم الی بیضایق
یا رب نقی آیامنا من شر أعمالهم
والی شایلینه فی قلوبهم
وأنت وحدك العالم
یا رب أنت العالم

بسم الله الرحمن الرحيم

رسالة ليكي يا أمي من قلب أختي بتقولك فيها
وحشني صوتك يا أمي في البيت
وحشني وقفئك معايا في المطبخ
وشرب الشاي بالنعناع في العصرية
أكل الدقة بواحدة طمطامة على الطبلية
والملوخية بالعيش السخن
لف المحشي من الصبحية
علشان يلحق يجهز وناكله في الضهرية
الأكل كله يشبع
لكن الأكل معاكي كان بمزاج
نسرب غلة ونشب فطير
ونحضر أكل يكفي عزومتين
الحلو أشكال وألوان

والفكرة مش في الصنف
الفكرة في طعم الأكل
الي معمول بحب وحنان
تصدقيني يا أمي إن قلتلك
أول فترة بعد غيابك
كانت الوقفة في المطبخ صعبة عليا
الأكل معاكي كان حاجة تاني
شوفتك بس كانت مشبعاني
ما بالك بقا بتفاصيل عمر وأنا معاكي
طول عمري وأنا معاكي
كنتي تقولي
انا معتمدة على ربنا
ومن بعد ربنا أنتي ايدي اليمين
شاركتيني معاكي في كفاحك الطويل
كان بق المية ماأشربهوش
وأنتي غايبة عن البيت

أتشاركنا في كل لحظة
 مرة أصحاب وأخوات
 ومرة نناكف زي العيال
 وفي كل مرة وجودك هو الأمان.
 ايدي بأيدك في الترتيب
 وكنس البيت والغسيل
 مراعاتي لأخواتي معاكي
 مين بردان ومين جعان
 ايدينا في أيدين بعض
 نفرح سوا نزعل سوا
 كل الوقت مونسين بعض
 وأنا دلوقتي بفضل ربي
 متونسة بوجودك الي مدفي قلبي
 بصراحة يا أمي نفسي
 أشوفك في منامي
 أشبع من شكل ملامحك الرباني

تاجینی و تقولی
أنا مبسوطة وفرحانة
ولقانا في جنته سبحانه وتعالى
يا رب أجمعني بيها في منامي
أسمع صوتها من تاني
علشان فعلا وحشاني
وأجعلها في جنتك
يا رب العالمين

أُمِّي الْحَبِيبَةُ

الحلو في أُمِّي كثير
سبحان الِلي خلقك
ما ليكي مثل
الحلو بان في صبرها
الِلي يتحكي عنه سنين
لا كانت تشكي ولا تبكي
قدام حد
ضعفها كان لله
وبتستقوى من الله
كلامها مسك
وسكوتها قوة
وملامح وجهها كأنها من الجنة
الحلو بان في صبرها

الي كان في قلبها
"تتعد وتقول
أنا صبرت وبكرة انول"
عشمها مش في المخلوق
عشمها في رب الكون
القلب مطمئن
والعقل حكيم
والكلمة رزينة
والخطوة كلها تقدير
الحلو في أمي كثير
الحلو بان في كلامها
وكانت تقول
الرزق أن جي
لينا ومقسوم
وأن أتاخر ليه وقته وموعود
اسعى واعمل الي عليك

وأن ليك خير هييجيك هييجيك
 الحركة بركة والرزاق موجود
 الحلوبان في رضاها
 اللي تملي
 مخلي الفرحة جواها
 قوية وصابرة ووشها بشوش
 تجبر خاطر اللي تعرفه
 واللي ماتعرفهوش.
 باخد من كل صفة كلمة
 علشان الصفة في أمي
 تتقال في رواية وتتحي حكاية
 فالحلو في أمي كثير
 الحلوبان في قوتها
 اللي وهبها لها الرحمن
 لا خافت من منصب وجاه
 تقول الحق وتنصف الغلبان

وتقول كلنا غلبة عند الله
كله قال عليها شديدة قوية
وقفت قدامهم لما كلوها
في قيراط الأرض
وقالوا مش ليها
وقفت وقالت
الي معايا يغنيكم انتو وذريتكم
بس دة حقي وما اسيش أرضي.
لفوا اللفة وجابوا إثبات
أي كلام
وقالوا أهو الورق مش كداب.
كيد الإنسان كله في كفة
وتدبير ربك أعظم كفة
وقفت وقالت
خدوها ويا ريتكم تغنوا
بس بدالها هاخذ حتى متر ومترين

في حته تانية،

ادوها الي مش شاغلة دماغهم

زرعت فيها وقالت بسم الله

وجاها الخير أكثر من الأول

وبقيت الأرض العادية

جنية خير

فيها أشجار وثمار

تشبع كل جعان

وجاو يقولوها

شوف ازاي

دي كانت لينا

بس لا كان فيها خير ولا باين عليها

قالت انتو اخدتو

الأكثر منها

بس دي بركة رب العالمين

وعدله كبير وكرمه عظيم

اتفضلوا خدوا واجب ضيافتكم
ليكم ولعيالكم
وكلوا بدل النوع
اتنين والرب حارس حافظ رازق ناصر عبده لما يريد
الحلو في أمي كثير.
